



Kesu blong Tongoa

Ismail Pakoa i raetem buk ia



Tasau Tasale i droem pikja long buk ia

**Ministri blong Edukesen
Republik blong Vanuatu**



Not blong ol Tija

Buk ia hem i stret blong ridim wetem ol pikinini long Yia 3 mo 4. Sam pikinini long klas ia bae i no save rid olgeta wan. Be ol nara pikinini long nara klas we i save rid gud bae ol i save yusum buk ia tu.

Ol tija i save yusum buk ia long plante difren wei. Sapos i gat pepa, ol tija i save mekem buk ia i kam bigwan moa blong yusum wetem ol pikinini.



Depatmen blong Edukesen i pablisim buk ia long 1997.

Kurikulum Developmen Yunit long Port Vila i printim buk ia.

Buk ia oli produsum olsem pat blong Vanuatu Buk Prodaksen Projek we kavman blong New Zealand nao i fundem.





Kesu blong Tongoa

Ismail Pakoa i raetem buk ia



Tasau Tasale i droem pikja long buk ia

Ministri blong Edukesen

Republik blong Vanuatu

1997





2





Wan dei, Kesu i faenem wan bredfrut tri insaed long dakbus.

I gat ten frut long hem.

Hem i talem long hem wan se,

“Tumoro bae mi kam bak mo karem ol bredfrut ia.”





Long nekis dei hem i karem naef blong hem mo
basket blong hem mo go insaed long dakbus blong
pikimap ol bredfrut ia.





Be taem hem i kasem tri ia, i gat wan man i stap antap long hem finis. Hem i wan devel.





Kesu i go i haed behaen long wan tri.




Devel ia i pikimap ol bredfrut ia. Mo taem hem i
stap sakem i go daon hem i stat kaon,

“Nasikai, naerua, naetolu, tolulepa, lepasia,
tapulage, sotopea, lo, pisi, puri!”

7



Kesu i kam aot long ples we hem i stap haed
mo kwik taem karem wan long ol bredfrut ia
mo haed bakegen.





Devel i kam daon long tri
mo karem evri bredfrut
we hem i save faenem.





Afta hem i stat blong kaontem. “Nasikai,
naerua, naetolu, tolulepa, lepassia,
tapulage, sotopea, lo, pisi ...

Hem i se, “I bin gat ten bredfrut ia!
Wehem wan moa?”



Hem i wokbaot raonem tri
blong lukaot nara bredfrut ia.
Be hem i no faenem.





Hem i stat blong kaontem bakegen,
“Nasikai, naerua, naetolu, tolulepa,
lepasia, tapulepa, lepasia, tapulage,
sotopea, lo, pisi ...”



Lo sem taem ia Kesu i kam aot long ples we hem i
stap haed mo singaot,

“Hu ia i stap stilim ol bredfrut blong mi ia? Wet long
ples ia!”





Kwik taem nomo devel i ronwe
i go insaed long dakbus mo
leko evri bredfrut i stap.





Kesu i pikimap ol naenfala bredfrut ia
we devel i ronwe long ol.

Hem i laf gud long devel ia taem hem i
stap go bak long haos mo talem se.

“Ah! Tedei bae mi rusum ol bredfrut ia!”

